

ЧИДЛАН НӨЛГО КӨДЛДЖАНЭВ

Би эндр өдр, эврэннь тускар болн хамдан көдлджэх үүрмүдиннь тускар цон үг бичхэр бээнэв.

Элстд эвдрхэнь ясгдджах 32 пэртэ герт февраль сарин арви гурвнас нааран көдлджэ-нэв. Эклдж көдлснэс нааран, эндр өдр күртл өдрэ норман 130—140 процент күргдж кү-цэнэв.

Ганцхн би бишв, нанла адл сан көдлдг багъчуд бээнэ. Үлгүрлхд, мана электромонтер-мүдин хальмг бригадин брига-дир Бүүрчин Луузн сан гид-гэр шундж көдлнэ.

Эн бригад өдртэн нэамн ча-стан көдлчкэд, көдлмшиннь хөөн хойр-гурви част көдлц-хэнэ. Дакад эдн бүкл хавтха төмрэс бийснь чавчад электри-ческ щеткс кецхэнэ.

Бүүрчин Луузна бригад эн ясджах гертэн эрт герл орул-хар, ик гидгэр шундж көдл-джэнэ.

Электромонтермүд болн ха-льмг ширдäch бригад эн 32 пэ-тэртэ гериг август сарин хөрн күртл дууснавдн гидж үгэн

өгцхэв. Ширдäch бригад көдл-мшэн эрт дуусхар амрдг өдр-тэн чигн шундж көдлцхэнэ. Эдниг гардгч бригадирнь Очр-Гэрэн Бадм. Эдн сар болгын даалгэвран бригадарн 150—160 процент күцэнэ.

Мана наадк олон-зүсн тосхач бригадмуд, эн Бүүрчин Луузн, Очр-Гэрэн Бадм хойрас үлгүр авч, эднлэ адл үнн седклэрн шундж, орс хальмг уга цуг таарта ни-ниицнэгүү, таньгь-чан урдкасн улм сээхнэр тосхий гидж дуудджанав.

Би эврэннь үнн седклэрн сээнэр көдлсндэн, хальмг та-нэгьчин багъчудин нерн дее-рэс үүрмүдтэгьэн, Болдырев Бадм-Гэрэн Эрдн-Гэрэтэ, Кот-лаев Дусятэ, нань чигн кесг багъчудта цуг делкэн багъ-чудин болн студентирин фести-вальд очанав. Эн мана Хальмг таньгьчин цуг багъчудин элдв нерн.

Эн хамг элдв диилвр гардгч мана Коммунистическ партыд ик ханлт өргдженэв.

ШАЛХАКОВ БААТР.